

## Салаши

Музика: Юлиан Рамач  
Слова: Михал Рамач  
Обробка: Юлиан Рамач

Злетли з далека птици вистати,  
кридла на ровню сциха престарли,  
сцели їй постац злати палати,  
сами ше навше до неї загарли.

Лет зачерали за пах котлянки,  
лєта пламенї за гар єшенї,  
ту їх питанки и колїсанки  
розбокорели крегки коренї.

*Приштив:*

Зросли з ровніну од сна по жренко,  
зросли по кросна, кудзель и яшля,  
небо упили на дно студзенкох,  
хмара и там го енки пренашла.

Вецей не стрепу кридла запшети,  
птици з другима гет не одлеца,  
млею и тлею як чарни квети  
и умераю скорей умреца.

Лежу схилєни на длань хотара,  
анї у писнї нет за нїх лїка,  
нет анї добри вистки поштара,  
лєм єдна хмара шлїди им лїга.

*Приштив:*

Зросли з ровніну од сна по жренко,  
зросли по кросна, кудзель и яшля,  
небо упили на дно студзенкох,  
хмара и там го енки пренашла.